

海寧王靜安先生遺書

二十七

陳錦川與陳錦川

111

余於丁巳作魏石經考據黃縣丁氏所藏殘石以定魏石經每行字數又由每行字數推定每碑行數復以御覽引洛陽記所載碑數及諸經字數參互求之以定魏石經經數又排比隸釋所存殘字為經文考古文考共書二卷刊行於滬江歲在辛酉復刪經文考古文考諸篇而掇取其首五篇編入觀堂集林癸亥春乃聞洛陽復出魏石經殘石一兩面分刻尚書無逸君奭二篇春秋僖文二公字數至千餘三月中始得拓本則已剖而為二矣又見尚書多士春秋文公一小石亦二百餘字比四月予來京師則見小殘石拓片至多其為書皋陶謨者有吳興徐氏所藏帝言一石夜五一石明庶一石禹四一石木臬一石皖中周

氏所藏都帝子一石女說一石無逸篇則有鄆縣馬氏所

藏小馬一石

其背為春秋傳公
卅二三年經文

春秋則有某氏所藏姬遇

一石

莊公
卅年

徐氏所藏趙敖一石

文公
八年

共十石而鄆縣馬君

兩至洛陽復得無逸君奭未剖時拓本中間君奭篇篇題

一行與春秋僖卅一年取濟西田一行具存餘亦較剖後

拓本多十餘字此石與丁氏殘石正相銜接總今日所有

殘石凡得二千零二十七字除磨滅不可見者尚近二千

字視五代宋初人所見拓本字已逾倍乃復為魏石經殘

石考以補前考之未備焉海甯王國維

魏正始石經殘石考

海甯王國維

碑圖

堯典

曰若稽古帝堯曰放勳欽明文思安安允恭克讓光被四表格于上下克明俊德以親九族九族既睦平章百姓百姓昭明協和萬邦黎民於變時雍乃命羲和欽若昊天厯象日月星辰敬授人時分命羲仲宅嵎夷曰暘谷寅賓出日平秩東作日中星鳥以殷仲春厥民析鳥獸孳尾申命羲叔宅南交平秩南訛敬致日永星火以正仲夏厥民因鳥獸希革分命和仲宅西日昧谷寅饒納日平秩西成宵中星虛以殷仲秋厥民夷鳥獸毛毳中命和叔宅朔方日幽都平在朔易日短星昴以正仲冬厥民隩鳥獸氄毛帝曰咨汝羲暨和朞三百有六旬有六日以閏月定四時成歲允釐百工庶績咸熙帝曰疇咨若時登庸放齊曰胤子朱啟明帝曰吁嚚訟可乎帝曰疇咨若于采

驪妃曰都共工方鳩僝功帝曰吁靜言庸違象恭滔天帝曰咨四岳湯、洪水方割湯、懷山襄
 陵浩、滔天下民其咨有能俾乂僉曰於鯀哉帝曰吁咈哉方命圯族岳曰异哉試可乃已帝曰
 往欽哉九載績用弗成帝曰咨四岳朕在位七十載汝能庸命異朕位岳曰否德忝帝位曰明明
 揚側陋師錫帝曰有鰥在下曰虞舜帝曰兪子聞如何岳曰瞽子父頑母嚚象傲克諧以考祿、
 乂不格姦帝曰我其試哉文于時觀厥刑于二女釐降二女于嬀汭嬪于虞帝曰欽哉慎徽五典
 五典克從納于百揆百揆時叙賓于四門四門穆、納于大麓烈風雷雨弗迷帝曰格汝舜詢事
 考言乃言底可績三載汝陟帝位舜讓于德弗嗣正月上日受終于文祖在璿璣玉衡以齊七政
 肆類于上帝禋于六宗望于山川徧于羣神輯五瑞既月乃日覲四岳羣牧班瑞于羣后歲二月
 東巡守至于岱宗柴望秩于山川肆觀東后協時月正日同律度量衡修五禮五玉三帛上生一
 死贊如五器卒乃復五月南巡守至于南岳如岱禮八月西巡守至于西岳如初十有一月朔巡
 守至于北岳如西禮歸格于藝祖用特五載一巡守羣后四朝敷奏以言明試以功車服以庸肇

十有二州封十有二山濬川象以典刑流宥五刑鞭作官刑朴作教刑金作贖刑首吳肆赦帖終
賊刑欽哉欽哉惟刑之恤哉流共工于幽州放驩兇于崇山竄三苗于三危殛鯀于羽山四罪而
天下咸服二十有八載帝乃殂落百姓如喪考妣三載四海遏密八音月正元日舜格于文祖詢
于四岳闢四門明四目達四聰咨十有二牧曰食哉惟時柔遠能邇惇德允元而難任人蠻夷率
服舜曰咨四岳有能奮庸熙帝之載使宅百揆亮采惠疇僉曰伯禹作司空帝曰俞咨禹汝平水
土惟時懋哉禹拜稽首讓于稷契暨皋陶帝曰俞汝往哉帝曰棄黎民阻飢汝后稷播時百穀帝
曰契百姓不親五品不遜汝作司徒敬敷五教在寬帝曰皋陶蠻夷猾夏寇賊姦宄汝作士五刑
有服五服三就五流有宅五宅三居惟明克允帝曰疇若予工僉曰垂哉帝曰俞咨垂汝共工垂
拜稽首讓于及斯暨伯與帝曰俞往哉汝諧帝曰疇若予上下草木鳥獸僉曰益哉帝曰俞咨益
汝作朕虞益拜稽首讓于朱虎熊羆帝曰俞往哉汝諧帝曰咨四岳有能典朕三禮僉曰伯夷帝
曰俞咨伯汝作秩宗夙夜惟寅直哉惟清伯拜稽首讓于夔龍帝曰俞往欽哉帝曰夔命汝典樂

教胄子直而溫寬而栗剛而無虐簡而無傲詩言志歌永言聲依永律和聲八音克諧無相奪倫
神人以和夔曰於予擊石拊石百獸率舞帝曰龍朕聖讒說殄行震驚朕師命汝作納言夙夜出
納朕命惟允帝曰咨汝二十有二人欽哉惟時亮天功三載考績三考黜陟幽明庶績咸熙分北
三苗舜生三十徵庸三十在位五十載陟方乃死

皋陶謨

曰若稽古皋陶曰允迪厥德謨明弼諧禹曰俞如何皋陶曰都慎厥身修思永叙九族庶明勵
翼邇可遠在茲禹拜昌言曰俞皋陶曰都在知人在安民禹曰吁咸若時惟帝其難之知人則哲
能官人安民則惠黎民懷之能哲而惠何憂乎驩兜何遷乎有苗何患乎巧言令色孔壬皋陶曰
都亦行有九德亦言其人有德乃言曰載采采禹曰何皋陶曰寬而栗柔而立愿而恭亂而敬擾
而毅直而溫簡而廉剛而塞彊而義彰厥有常吉哉日宣三德夙夜浚明有家日嚴祗敬六德亮
采有邦翕受敷施九德咸事俊乂在官百僚師師百工惟時撫于五辰庶績其凝無教逸欲有邦

兢兢業業一日二日萬幾無曠庶官天工人其代之天叙有典初我五典五惇哉天叙有禮自我

五禮有庸哉同寅協恭和衷哉天命有德五服五章哉天討有罪五刑五用哉政事懋哉懋哉天

聰明自我民聰明天明自我民明威達于上下敬哉有土皋陶曰朕言惠可底行禹曰兪乃言

底可績皋陶曰予未有知思曰贊贊襄哉帝曰來禹汝亦昌禹拜曰都帝予何言予思日孜孜皋

陶曰吁如何禹曰洪水滔天浩浩懷山襄陵下民昏墊予乘四載隨山刊木泉益奏庶鮮食予決

九川距四海濬畎澮距川墾稷播奏庶艱食鮮食懋遷有無化居烝民乃粒萬邦作乂皋陶曰兪

師汝昌言禹曰都帝慎乃在位帝曰兪禹曰安汝止惟幾惟康其躬直惟應懋志以昭受上帝天

其申命用休帝曰吁臣哉鄰哉鄰哉臣哉禹曰兪帝曰臣作朕股肱耳目予欲左右有民汝翼予

欲宣力四方汝為予欲觀古人之象日月星辰山龍華蟲作會宗彝藻大粉綵黼黻絺繡以五介

彰施于五色作服汝明予欲聞六律五聲八音在治習以出納五言汝聽予達女弼汝無面從退

有後言欽四鄰庶頑讒說若不在時侯以明之達以記之書用識哉欲並生哉工以內言時而颺

之格則承之庸之否則威之禹曰俞哉帝光天之下至于海隅蒼生萬邦黎獻共惟帝臣惟帝

右圖一

以上凡五十三行其前當有大題一行共五十四行當為二碑則每碑二十七行也

金滕之書乃得周公所自以為功代武王之說二公及王乃問諸史與百執事對曰信噫公命我勿敢言王

右圖二金滕

今惟民不靜未戾厥心迪屢未同爽惟天其罰殛我我其不怨惟厥罪無在大亦無在多矧曰其尚罪顯聞于天王曰嗚呼封敬哉無作怨勿用非謀非彝蔽

右圖三康誥

罔厲殺人亦厥君先敬勞肆徂厥敬勞肆往姦宄殺人兇人宥肆亦見厥君事戕敗人宥王啓監厥亂為

右圖四梓材

其澤在今後嗣王誕罔顯于天矧曰其有能聽念于先
王勤家誕淫厥逸罔顧于天顯民祇惟時上帝不保降
茲若大喪惟天弗畀不明厥德凡四方小大邦喪罔
非有辭于罰王若曰爾殷多士今惟我周王丕靈承
帝事有命曰割殷告勅于帝惟我事不貳適惟爾王
家我適予其曰惟爾洪無度我不爾動自乃邑予亦
念天即于殷大戾肆不正王曰猷告爾多士予惟時
其遷居西爾非我一人奉德不康寧時惟天命無違
朕不敢後王曰繇告爾多士無我怨惟爾知惟殷先
人有冊有典與殷革夏命今爾又曰夏迪簡在王庭有服

在百僚予一人惟聽用德肆予敢求爾于天邑商予
惟率肆矜爾非予罪時惟天命王曰多士昔朕來自
奄予大降爾四國民命我乃明致天罰移爾遐逝比
事臣我宗多遜王曰告爾殷多士今予惟不爾殺予
惟時命有申今朕作大邑于茲洛予惟四方罔攸賓
亦惟爾多士攸服奔走臣我多遜爾乃尚有爾土爾
乃尚寧幹止爾克敬天惟畀矜爾爾不克敬爾不啻
不有爾土予亦致天之罰于爾躬今爾惟時宅爾邑
繼爾居爾厥有幹有年于茲洛爾小子乃興從爾遷
王曰又曰時予乃或言爾攸居

無逸

周公曰嗚呼君子所其無逸先知稼穡之艱難乃逸
則知小人之依相小人厥父母勤勞稼穡厥子乃不
知稼穡之艱難乃逸乃諺既誕否則侮厥父母曰昔
之人無聞知周公曰嗚呼我聞曰在昔殷王中宗嚴恭
寅畏天命自度治民祇懼不敢荒寧肆中宗之饗國
七十有五年其在高宗時舊勞于外爰暨小人作其
即位乃或亮陰三年不言其惟不言言乃雍不敢荒
寧嘉靖殷邦至于小大無時或怨肆高宗之享國五
十有九年其在祖甲不義惟王舊為小人作其即位
爰知小人之依能保惠于庶民不敢侮鰥寡肆祖甲
之享國三十有三年自是厥後立王生則逸生不知

稼穡之艱難不聞小人之勞惟耽樂之從自是厥後

亦罔或克壽或十年或七八年或五六年或四三年

右圖五

尚書多士無逸篇一碑多士篇其澤前有一碑百八十二字計九行并篇題十行在前一碑

周公曰烏庠厥亦惟我周大王王季克自抑畏文王

卑服即康功田功徽柔懿恭懷保小民惠鮮鰥寡自

朝至于日中罔不皇暇食用咸和萬民文王不敢盤

于遊于田以庶邦惟正之供文王受命惟中身厥享

國五十年周公曰烏庠繼自今嗣王其無淫于觀

于逸于遊于田以萬民惟正之供無皇曰今日耽樂

乃非民所訓非天所若時人不則有愆無若殷王受

之迷亂酗于酒德才周公曰嗚呼我聞曰古之人猶

胥訓告胥保惠胥教誨民無或胥譴張為幻此厥不
聽人乃訓之乃變亂先王之正刑至于小大民否則
用厥心韋怨不則用厥口詛祝周公曰烏呼自殷王
仲宗及高宗及祖甲及我周文王茲四人迪哲厥或
告之曰小人怨女詈女則皇自敬德厥僭曰朕之愆
凡若時不啻不敢含怒此厥不聽人乃或譴張為幻
曰小人怨女詈女則信之則若時不永念厥辟不寬
紹厥心亂罰無辜殺無辜怨有同是叢于厥身周公
曰烏虜嗣王其監于茲

君奭

周公若曰君奭不弔天降喪于殷殷既墜厥命我有

周既受我弗敢智厥基永孚于休若天不忱我亦不敢智曰其崇出於不祥烏呼君己曰時我我亦不敢寧于上帝命弗永遠念天畏越我民罔郵違惟人在我後嗣子孫大弗克龔上下過佚前人光在家不知天命不易天難忱乃其隧命弗克經歷嗣前人恭明德在今予小子非克有正迪惟前人光施于我冲子又曰天不可信我迪惟寧王德延天弗庸釋于文王受命公曰君我聞在昔成湯既受命時則有若伊尹格于皇天在大甲時則有若保衡在大戊時則有若伊陟臣扈洛于上帝巫咸乂王家在祖乙時則有若巫賢在武丁時則有若甘盤衡惟茲有陳保乂有殷故

殷禮陟配天多歷年所天惟純右命則商實百姓王
人罔不秉德明卹小臣屏侯甸弼咸奔惟茲惟德稱
用又厥辟故一人事于四方若卜筮罔不是孚公曰
君奭天壽平格保乂有殷有殷嗣天滅畏今汝永念

右圖六

凡三十四行
六十字

則有固命厥亂明我新造邦公曰君奭在昔上帝割
申勸甯王之德其集大命于厥躬惟文王尚克修和
我有夏亦惟有若虢叔有若閼夭有若散宜生有若
泰顛有若南宮括又曰無能往來茲迪彝教文王蔑
德降于國人亦惟純佑秉德迪知天威乃惟時昭文
王迪見冒聞于上帝惟時受有殷命哉武王惟茲四